



Qilalukkat nipinut illersorneqarnissaat siunertaralugu kangerlunni qaqortat qernertallu si-visunerusumik najortagaanni angallatit aalajangersimasut ingerlaartarnerisa killilernerqarsinnaaneranut periarfissat misissoqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuineq UPA2023-mut naammassi-neqarsimassaaq iliussissanillu aalajangersimasunik siunnersuutitaqassalluni.

(Inatsisartunut ilaasortaq, Jens Napâtôk')

Siullermeerneqarnera

Siunnersuuteqartoq Jens Napâtôk', Naleraq saqqummiussannut qujanaq.

Qangarsuaaniilli nunap inuinit inuussutissat pingaarnert ilagisimavaat qilalukkat, maannamullu sulii inuussutissarsiutaasimalluarlutik pingaartinneqaqalutillu piniartuniit.

Uumassusillit arferit allallu aasakkut kangerluit najortagaanni umiarsuit takornariartaatit, tissiartaatit taavalu umiarsuit allat killilersimaarnissaat pisariaqartorujussuuvoq. Piniartut pileruttarnerisa nalaanni akornusersorneqannginnissaat pissusissamisoortutut isigaarput, piniartuunnaangikkaluit uumasulli piaqqinerisa nalaanni neriniarnerisalu nalaanni kangerluit angallafigineqannginnissaat umiarsuarnit takornariartaatinit tissiartaatinit aammalu umiarsuarnik allanik killilersimaarfigineqassat naleqqamiit oqaatigissavarput, minnerunngitsumillu nuna allanngutsaalineqarnissaa.

Neriullutalu nalilersorluarneqarumaartoq kangerluit killilersimaarfigineqartussat pulaffigineqassappata minnerpaamik akuersissuteqarnissaq pingaartuusoq kangerlummut pulasussammi suniarnersut eqqumaffigineqarluartussat kingornalu pisariaqassappat misissuiffigineqarluassasut.

Aasaq 2021 nammineerlunga misigisimasama ilagisimavaat Tasiilap eqqaani Sermilimmi umiarsuaaraq kangerlup iluaniissimammat piffissami sivilisulaartumik, tassani piniartut sunngiffimmilu piniartut piniarnerminni malugisaata annerpaartarivaat piniagassaaleqineq annertoq takkussimasooq. Ilungersunartut piniartut nalilersimavaat umiarsuaaraq sermilimmi angalanerani inuussutis-



sarsiutaat tammarartutut ilernerat akuttusuumillu tikiussisalersimallutik pisaminnik. Taamannami kinguninngua sulisuusimasoq apersorpara susoqarnersoq kangerluup iluaniinnerminni umiarsuaaraq, nassuiaanneqarpunga misissuisimasoq immap itissusaa uuttortarniarlugu, tusakkakalu malillugit sulisuusimasumik ilisimatinneqarpunga immap iluani qaartitsilluni uuttortaasoqarsimasoq tamatumali kingunerluutaata annerpaat ilagivaat piniartortatta inuussutissarsiutaat tammagarneri piffissami siviisulaartumi.

Kangerluit uumasunik najorneqartut piniartunilu inuussutissarsiorfigineqarluartut, piniartullu minnerpaamik ilisimatinneqaratik taamanna pisoqarsimanera assut uggoraat inuuniarnerminnillu assut ilungersorsimaffigisimallutigu.

Taamaattumik Nunatsinni kangerluit uumasut najortagaat aasaanerani piaqqinerminni neriniarnerminnillu najugaat killilersimaarfigineqarnissaat umiarsuarni takornariartaatini tissiartaatini allanillu umiarsuarni pissutissaqanngitsunik pulaffigiinnarneqarnissaat killilersimaarfigineqartariaqarpoq, minnerunngitsumillu kangerlunni misissuisoqassappat arlaatigullu piniakkanik tammalatitsisinnaasunik nipiliortoqassappat atuisut ilisimatinneqartassasut.

Minnerunngitsumillu angallatit umiarsuaaqqat tissiartaatit assigisaallu kangerlunni pulasartut sineriatinnut tamaavimmik akuersissumik peqarnissaat avaqqunneqarsinnaajunnaartoq misissorneqartalissasullu sulerinersut. Ukiorpasuaruarnimi kangerlunni pulasartut amerliartuinnavipput ulloq manna tikillugu ernumanarsiartuinnavippoq.

Pisuussutit uumassusillit uumaatsullu nunatsinnit anninneqannginnissaat qulakkeertariaqavipparput, naluajuarparpummi angallatit umiarsuaaqqat tissiartaatit allallu susarnerisut kangerluit iluannut misissuiffigineqartaratillu.

Nammineq suliffigisimasanni misiginikuusama ilagaat ukiorpasuaruarni nunatsinnukartuortoq, ukiullu tamaviisa kangerlutinnut angalajuortoq piffinnilu marluinnarnut angalasarluni kangerlummi. Kammalaatiminillu aqqusaarneqartuarpoq tissiartaammik, kinguninngualu kangerlutsinnut pulasarluni siviisujaamillu kangerlummeereerlutik umitsiamik aatittarpoq Tasiilamukarluni tissiartaallu kangerlummiit toqqaannaq anisarluni. Taannalu nassuiaanera malillugu kammalaatigisaa geolog-iusoq oqarpoq nunalu kimberlitsilik tikittarlugu imaappoq nunaq kimberlitsilik tassaasarpoq diamanteqarfiusinnaasoq rubineqarfiusinnaasorlu ujaqqanillu nalilinnik peqarsinnaasoq.



Naleraq

Taama oqaaseqarluta Naalackersuisut allanguutissatut siunnersuutaat taperserparput ataatsimiititaliamullu susassaqartumut ingerlateqqillugu, oqaaseqaatigullu neriulluta ataatsimiititaliami qaqqin-neqarumaartut.